


世界書局印行

景印
藻堂

四庫全書薈要

集部
第八冊
總集類





本冊目次

書名及撰人

卷次

頁次

御定全唐詩九百卷目錄二卷
清康熙四十六年聖祖仁
皇帝御定

卷三百九十六至卷四百六十
六

四三六一
一

欽定四庫全書薈要

集部

御定全唐詩卷三百九十九

六五

詳校官候補通判經歷臣郭祚職

欽定四庫全書薈要卷一萬七千八百一

集部

御定全唐詩卷三百九十六

元稹

元稹字微之河南河內人幼孤母鄭賢而文親授書傳
舉明經書判入等補校書郎元和初應制策第一除左
拾遺歷監察御史坐事貶江陵士曹參軍徙通州司馬
自號州長史徵為膳部員外郎拜祠部郎中知制誥召
入翰林為中書舍人承旨學士進工部侍郎同平章事

欽定四庫全書

御定全唐詩
卷三百九十六

未幾罷相出為同州刺史改越州刺史兼御史大夫浙
東觀察使太和初入為尚書左丞檢校戶部尚書兼鄂
州刺史武昌軍節度使年五十三卒贈尚書右僕射稹
自少與白居易倡和當時言詩者稱元白號為元和體
其集與居易同名長慶今編詩二十八卷

思歸樂

山中一作思歸樂盡作思歸鳴爾是此山鳥安得失鄉
名應緣此山路一作寄跡自古離人征陰愁感和氣俾爾從

此生我雖失鄉去我無一作不失鄉情慘舒在方寸寵辱

將何驚浮生居大塊尋丈可寄形一作身身安即形樂豈

獨樂咸京命者道之本死者天之平安問遠與近何言

殤與彭君看趙工部八十支體輕交州二十載一到一作

始對長安城長安不須更復作交州行交州又累歲移鎮

廣與荆一作移鎮歸朝新天子濟濟為上卿肌膚無瘡

色飲食康且寧長安一晝夜死者如賈星喪車四門出

何關炎瘴紫況我三十二一作餘百年一作年來未半程江陵

欽定四庫全書

御定全唐詩

卷三百九十六

二

道塗近楚俗雲水清遐想玉泉寺久聞峴山一作久亭

此去盡綿歷豈無心賞并紅餐日充腹碧澗朝折醒開

門一作釀酒待賓客寄書安弟兄間窮四聲韻閱九部經

身外皆委順一作無眼前隨所營此意久已定誰能求

苟榮所以官甚小不畏權一作野已勢傾傾心豈不易巧

詐神之刑萬物有本性況復人性一作至靈金埋無土色

玉墜無瓦聲劒折有寸利鏡破有片明我可俘為囚我

可刃為兵我心終不死金石貫以誠此誠患不至一作立

誠至一作雖因道亦亨微哉湍山鳥叫噪何足聽

春鳩

春鳩與百舌音響詎同年如何一時語俱得春風憐猶

知化工一作造物意當春不生蟬免教爭叫噪沸渭桃花前

春蟬

我自東歸日厭苦春鳩聲作詩憐化工不遣春蟬生及

來商山道山深氣不平春秋兩相似蟲豸百種鳴風松

不成韻蜩蟬沸如羹豈無朝陽鳳羞與微物爭安得天

欽定四庫全書

御定全唐詩

卷三百九十六

三

上雨奔渾河海傾蕩滌反時氣然後好晴明

兔絲

人生莫依倚依倚事不成君看兔絲蔓依倚榛與荆荆

榛易蒙密百鳥掠亂鳴下有狐兔穴奔走亦縱橫樵童

斫將去柔蔓與之并翳薈生可恥束縛死無名桂樹月

中出珊瑚石上生俊鶻度海食應龍升天行靈物本特

達不復相纏縈纏縈竟何者荆棘與飛莖

古社

古社基趾在人散社不神惟有空心樹妖狐藏魅人狐
惑意顛倒臊腥不復聞丘墳變城郭花草仍荆榛良田
千萬頃占作天荒田主人議芟斫怪見不敢前那言空
山燒夜隨風馬一作長奔飛一作壯聲鼓鼙震高燄旗幟翻
逡巡荆棘盡狐兔無子孫狐死魅人滅煙消壇墀存繞
壇舊田地給授有等倫農收邨落盛社樹新團圓社公
千萬歲永保邨中民

松樹

欽定四庫全書

御定全唐詩

卷三百九十六

四

華山高幢幢

一作憧憧

上有高高松株株遙各各葉葉相重

重槐樹夾道植枝葉俱冥蒙既無貞直幹復有胃挂蟲

何不種松樹使

一作種

之搖清風秦時已曾種顛顛種不

供可憐孤松意不與槐樹同間在高山頂樛盤虬與龍

屈為大厦棟庇蔭侯與公不肯作行伍俱在塵土中

芳樹

芳樹已寥落孤英尤可嘉可憐團團

一作團圓

葉蓋覆深深

花遊蠶競鑽刺鬪雀亦紛拏天生細碎物不愛好光華

非無殲殄法念爾有生涯春雷一聲發驚燕亦驚蛇清
池養神蔡已復長蝦蟇雨露貴平施吾其春草芽

桐花

朧月上山館紫桐垂好陰可惜暗澹色無人知此心舜
沒蒼梧野鳳歸丹穴岑遺落在人世光華那復深年年
怨春意不競桃杏林唯占清明後牡丹還復侵況此空
館閉云誰恣幽尋徒煩鳥噪集不語山嶽岑滿院青苔
地一樹蓮花簪自開還自落暗芳終暗沈爾生不得所

欽定四庫全書

御定全唐詩

卷三百九十六

五

我願裁為琴安置君王側調和元首音安問宮徵角先

辨雅鄭淫宮弦春以君君若春日臨商弦廉以臣臣作

早天霖人安角聲暢人困鬪不任羽以類萬物祆物神

不歆徵以節百事奉事罔不欽五者苟不亂天命乃可

忱君若問孝理彈作梁山吟君若事宗廟拊以和球琳

君若不好諫願獻觸疏箴君若不罷獵請聽荒于禽君

若侈臺殿雍門可霑襟君若傲賢雋鹿鳴有食岑君聞

祈招什車馬勿駸駸君若欲敗度中有式如金君聞熏

風操志氣在惜惜中有阜財語勿受來獻縣北里當絕
聽禍莫大於姪南風苟不競無往遺之擒姦聲不入耳
巧言寧孔士集音亦云革安得沴與侵天子既穆穆羣
材亦森森劒士還農野絲人歸織紵丹鳳巢阿閣文魚
游碧潯和氣浹寰海易若漑蹄岑改張乃可鼓此語無
古今非琴獨能爾事有諭因鍼感爾桐花意間怨杳難
禁待我持斤斧置君為大琛

雉媒

雙雉在野時可憐同嗜欲毛衣前後成一種文章足一
雉獨先飛衝開芳草綠網羅幽草中暗被潛羈束剪刀
摧六翮絲線縫雙目啖養能幾時依然已馴熟都無舊
性靈返與他心腹置在芳草中翻令誘同族前時相失
者思君意彌篤朝朝舊處飛往往巢邊哭今朝樹上啼
哀音斷還續遠見爾文章知君草中伏和鳴忽相召鼓
翅遙相矚畏我未肯來又啄翳前粟斂翮遠投君飛馳
勢奔蹙骨挂在君前向君聲促促信君決無疑不道君

相覆自恨飛太高疎羅偶然觸看看架上鷹擬食無罪
肉君意定何如依舊雕籠宿

箭鏃

箭鏃本求利淬礪良甚難礪將何所用礪以射凶殘不
礪射不入不射人不安為盜即當射寧問私與官夜射
官中盜中之血闌干帶箭君前訴君王悄不歡頃曾為
盜者百箭中心攢競將兒女淚滴漚助辛酸君王責良
帥此禍誰為端帥言發礪罪不使刃稍利君王不忍殺
逐之如迸丸仍令後來箭盡可頭團團發礪去雖遠礪
鏃心不闌會射蛟螭盡舟行無惡瀾

賽神

邨落事妖神林木大如邨事來三十載巫覡傳子孫邨
中四時祭殺盡一作盡殺雞與豚主人不堪命積燎曾欲燔
旋風天地轉急雨江河翻採薪持斧者棄斧縱橫奔山
深多掩映僅免鯨鯢吞主人集鄰里各各持酒罇廟中
再三拜願得禾稼存去年大巫死小覡又妖言邑中神

明宰有意效西門焚除計未決伺者迭乘軒廟深荆棘
厚但見狐兔蹲巫言小神變可驗牛馬蕃邑吏齊進說
幸勿禍鄉原踰年計不定縣聽良亦煩沙夏祭時至因
令修四垣憂虞神憤恨玉帛意彌敦我來神廟下簫鼓
正喧喧因言遣妖術滅絕由本根主人中罷舞許我重
疊論蜉蝣生濕處鴟鴞集黃昏主人邪心起氣燄日夜
繁狐狸得蹊徑潛穴主人園腥臊襲左右然後託丘樊
歲深樹成就曲直可輪轅幽妖盡依倚萬怪之所屯主

人一心好四面無籬藩命樵執斤斧怪木寧遽斲主人
且傾聽再為諭清渾阿膠在末派罔象游上源靈藥遂
巡盡黑波朝夕噴神龍厭流濁先伐鼉與龜鼉鼉在龍
穴妖氣常鬱溫主人惡淫祀先去邪與惛惛邪中人意
盡禍蝕精魂德勝妖不作勢強威亦尊計窮然後賽後
賽復何恩

大觜鳥

陽鳥有二類觜白者名慈求食哺慈母因以此名之飲

啄頗廉儉音響亦柔雌百巢同一樹棲宿不復疑得食
先反哺一身常苦羸緣知五常性翻被衆禽欺其一觜
大者攫搏性貪癡有力強如鷗有爪利如錐音聲甚呖
喟潛通妖怪詞受日餘光庇終天無死期翱翔富人屋
棲息屋前枝巫言此鳥至財產日豐宜主人一心惑誘
引不知疲轉見鳥來集自言家轉孳白鶴門外養花鷹
架上維專聽鳥喜怒信受若神龜舉家同此意彈射不
復施往往清池側却令鷗鷺隨羣鳥飽梁肉毛羽色澤

滋遠近恣所往貪殘無不為巢禽攫雛卵殿馬啄瘡痍
滲漉脂膏盡鳳皇那得知主人一朝病爭向屋檐窺吻
鳴呼羣鵬翮翻集怪鷗主人偏養者嘯聚最奔馳夜半
仍驚噪鵲鷗逐老狸主人病心怯燈火夜深移左右雖
無語奄然皆淚垂平明天出日陰魅走參差鳥來屋檐
上又惑主人兒兒即富家業玩好方愛奇占募能言鳥
置者許高貲隴樹巢鷗鷗言語好光儀美人傾心獻雕
籠身自持求者臨軒坐置在白玉墀先問鳥中苦便言

烏若斯衆烏齊搏鏢翠羽幾離披遠擲千餘里美人情
亦哀舉家懲此患事烏踰昔時向言池上鷺啄肉寢其
皮夜漏天終曉陰雲風定吹況爾烏何者數極不知危
會結彌天網盡取一無遺常令阿閣上宛宛宿長離

分水嶺

崔嵬分水嶺高下與雲平上有分流水東西隨勢傾朝
同一源出暮隔千里情風雨各自異波瀾相背驚勢高
競奔注勢曲已回縈偶值當途石蹙縮又縱橫有時遭

欽定四庫全書

御定全唐詩

卷三百九十六

十

孔穴變作鳴咽聲褊淺無所用奔波奚所營團團井中
水不復東西征上應美人意中涵孤月明旋風四面起
井深波不生堅冰一時合井深凍不成終年汲引絕不
耗復不盈五月金石鑠既寒亦既清易時不易性改邑
不改名定如拱北極瑩若燒玉英君門客如水日夜隨
勢行君看守心者井水為君盟

四皓廟

巢由昔避世堯舜不得臣伊呂雖急病湯武乃可君四

賢胡為者千載名氛氲顯晦有遺迹前後疑不倫秦政

虐天下黷武窮生民諸侯戰必死壯士眉亦頰張良韓

孺子椎碎屬車輪遂令英雄意日夜思報秦先生相將

去不復嬰世塵雲卷在孤岫龍潛為小鱗秦王轉無道

諫者鼎鑊親茅焦脫衣諫先生無一言趙高殺二世先

生如不聞劉項取天下先生游白雲海內八年戰先生

全一身漢業日已定先生名亦振不得為濟世宜哉為

隱淪如何一朝起屈作儲貳賓安存孝惠帝摧頽戚夫

欽定四庫全書

御定全唐詩

卷三百九十六

十一

人舍大以謀細虯盤而蠖伸惠帝竟不嗣呂氏禍有因
雖懷安劉志未若周與陳皆落子房術先生道何屯出
處貴明白故吾今有云

御定全唐詩卷三百九十六

欽定四庫全書卷一萬七千八百二

御定全唐詩卷三百九十七

元稹

青雲驛

岩崕青雲嶺下有千仞谿
裴回不可上人倦馬亦嘶願
登青雲路若望丹霞梯謂言青雲驛繡戶芙蓉閨謂言
青雲騎玉勒黃金蹄謂言青雲具瑚璉雜一作象犀謂
言青雲吏的的顏如珪懷此青雲望安能復久稽一作棲

欽定四庫全書

御定全唐詩

卷三百九十七

攀援一作途信不易風雨正淒淒已怪杜鵑鳥先來山下

啼纔及青雲驛一作歸家忽遇蓬蒿妻延我開華戶鑿

竇宛如圭逡巡吏來謁一作來頭白顏色鰥饋食頻叫

噪假器仍乞醯嚮時延我者共捨一作拾藿與藜乘我牂

犵馬蒙茸大如羝悔為青雲意此意良噬臍昔游蜀門

一本缺下有驛名青泥聞名意慘愴若墜牢與狂雲泥

異所稱人物一以齊復聞閭闔上下視日月低銀城藥

珠殿玉版金字題大帝直南北羣仙侍東西龍虎儼隊

仗雷霆轟鼓輦元君理庭內左右桃花蹊丹霞爛成綺

景一作素雲輕若綿天池光灩灩瑶草綠萋萋衆真千萬

輩柔顏盡如蕙手持鳳尾扇頭戴翠羽笄雲韶互鏗戛

霞服相提攜雙雙發皓齒各各揚輕袿天祚樂未極溟

波浩無隄穢賤靈所惡安肯問黔黎桑田變成海寓縣

烹為壺虛皇不願見雲霧重重翳大帝安可夢閭闔何

由躋靈物可見者願以諭端倪蟲蛇吐雲氣妖氛變虹

蜺獲麟書諸冊泰龍醢為鷄鳳皇占梧桐叢雜百鳥棲

野鶴啄腥蟲貪饕不如雞山鹿藏窟穴虎豹吞其麋靈

物比一作此靈境冠履寧甚睽道勝即為樂何慙居稗穉

金張好車馬於陵親灌畦在梁或在火不變玉與鵲上

天勿行行潛穴勿悽悽吟此青雲諭達觀終不迷

陽城驛

商有陽城驛名同陽道州陽公沒已久感我淚交流昔

公孝父母行與曾閔儔既孤善兄弟兄弟和且柔一夕

不相見若懷三歲憂遂誓不婚娶沒齒同衾稠妹夫死

欽定四庫全書

御定全唐詩

卷三百九十七

二

他縣遺骨無人收公令季弟往公與仲弟留相別竟不
得三人同遠遊共負他鄉骨歸來藏故丘棲遲居夏邑
邑人無苟媮里中競長短來問劣與優官刑一朝恥公
短終身羞公亦不遺布人自不盜牛問公何能一作德爾
忠信先自修發言當道理不顧黨與讐聲香漸翕習冠
蓋若雲浮少者從公學老者從公遊往來相告報縣尹
與公侯名落公卿口湧如波薦一作數萬舟天子得聞之書
下再三求書中願一見不異旱地一作呈天蚪何以持為聘

欽定四庫全書

御定全唐詩
卷三百九十七

三

束帛藉琳球何以持為御駟馬駕安輶公方伯夷一作云自

提操事殷不事周我實唐士庶食唐之田疇我聞天子

憶安敢專自由來為諫大夫朝夕侍冕旒希夷惇薄俗

密勿獻良籌神醫不言術人瘼曾暗瘳月請諫官俸諸

弟相對謀皆曰親戚外酒散目前愁公云不有爾安得

此嘉猷施餘盡酤酒客來相獻酬日肝不謀食春深仍

弊裘人心良戚戚我樂獨由由一作油貞元歲云暮朝有

曲如鉤風波勢奔蹙日光綢繆齒牙屬為猾禾黍暗

生蝨豈無司言者肉食吞其喉豈無司搏者利柄扼其
一作如鞬鼻復勢氣塞不得辯薰蕕公雖未顯諫惴惴如

患瘤飛章八九上皆若珠暗投炎炎日將熾積燎無人
抽公乃帥其屬決諫同報仇延英殿門外叩閤仍叩頭
且曰事不止臣諫誓不休上知不可遏命以美語酬降
官司成署俾之為贅疣姦心不快活擊刺礪戈矛終為
道州去天道竟悠悠遂令不言者反以言為訕喉舌坐
成木鷹鷂化為鳩避權如避虎冠豸如冠猴平生附我

欽定四庫全書

御定全唐詩
卷三百九十七

四

者詩人稱好逑私來一執手恐若墜諸溝送我不出戶
決我不迴眸唯有太學生各具糧與糗咸言公去矣我
亦去荒陬公與諸生別步步駐行騶有生不可訣行行
過閩甌為師得如此得為賢者不道州聞公來鼓舞歌
且謳昔公居夏邑狎人如狎鷗况自為刺史豈復援鼓
桴滋章一時罷教化天下道炎瘴不得老英華忽已秋
有鳥哭楊震無兒悲鄧攸唯餘門弟子列樹松與楸今
來過此驛若弔汨羅洲祠曹諱羊祜此驛何不侔我願

避公諱名為避賢邨此名有深意蔽賢天所尤吾聞玄
元教日月冥九幽幽陰蔽翳者永為幽翳一作陰囚

苦雨

江瘴氣候惡庭空田地蕪煩昏一日內陰暗三四殊巢
燕汚牀席蒼蠅點肌膚不足生詬怒但苦寡歡娛夜來
稍清晏放體階前呼未飽風月思已為蚊蚋圖我受簪
組身我生天地爐炎蒸安敢勸蟲豸何時無凌晨坐堂
廡努力泥中趨官家事不了尤悔亦可虞門外竹橋折

欽定四庫全書

御定全唐詩
卷三百九十七

五

馬驚不敢踰回頭命僮御向我色踟躕自顧方獲落安
能相詰誅隱忍心憤恨翻為聲煦愉逡巡崔嵬日果曜
東南隅已復雲蔽翳不使及泥塗良農盡蒲葦厚地積
潢污三光不得照萬物何由蘓安得飛廉車磔裂雲將
軀又提精一作旌陽劍蛟螭支節屠陰沴皆電掃幽妖亦
雷驅煌煌啟閭闔軋軋掉乾樞東西生日月晝夜如轉
珠百川朝巨海六龍躡亨衢此意倍寥廓時來本須臾
今也泥鴻洞鼃鼃真得途

種竹并序

昔樂天贈予詩云無波古井水有節秋竹竿予秋
來種竹廳下因而有懷聊書十韻

昔公憐我一作有直比之秋竹竿秋來苦相憶種竹廳前
看失地顏色改傷根枝葉殘清風猶淅淅高節空團團
鳴蟬聒暮景跳蛙集幽闌塵土復晝夜稍雲良獨難丹
丘信云遠安得臨仙壇瘴江冬草綠何人驚歲寒可憐
亭亭幹一一青琅玕孤鳳竟不至坐傷時節闌

欽定四庫全書

御定全唐詩
卷三百九十七

六

和樂天贈樊著作

君為著作詩志激詞且溫璨然光揚者皆以義烈聞干
慮竟一失冰玉不斷痕謬予頑不肖列在數子間因君
譏史氏我亦能具陳義黃眇云遠載籍無遺文煌煌二
帝道鋪設在典墳堯心惟舜會因著為話言臯夔益稷
禹粗得無間然緬然千載後後聖曰孔宣迥知皇王意
綴書為百篇是時游夏輩不敢措舌端信哉作遺訓職
在聖與賢如何至近古史氏為閒官但令識字者竊弄

刀筆權由心書曲直不使當世觀貽之千萬代疑言相
並傳人人異所見各各私所偏以是曰褒貶不如都無
焉況乃丈夫志用捨貴當年顧予一作顧子有微尚願以出
處論出非利吾已其出貴道全全道豈虛設道全當及
人全則富與壽虧則饑與寒遂我一身逸不如萬物安
解懸不澤手拯溺無折旋神哉伊尹心可以冠古先其
次有獨善善已不善民天地為一物死生為一源合雜
分萬變忽若風中塵抗哉巢由志堯舜不可遷捨此二

欽定四庫全書

御定全唐詩
卷三百九十七

七

者外安用名為賓持謝著書郎愚不願有云

和樂天感鶴

我有所愛鶴毛羽霜雪妍秋霄一滴露聲聞林外天自
隨衛侯去遂入大夫軒雲貌久已隔玉音無復傳吟君
感鶴操不覺心惕然無乃予所愛誤為微物遷因茲諭
直質未免柔細牽君看孤松樹左右蘿蒿纏既可習為
飽亦可薰為荃期君常善救勿令終棄捐

諭寶二首

沈玉在弱泥泥弱玉易沈扶桑寒日薄不照萬丈心安
得潛淵蚪拔壑超鄧林泥封泰山陞水散旱天霖洗此
泥下玉照耀臺殿深刻為傳國寶神器人不侵

冰置白玉壺始見清皎潔珠穿殷紅縷始見明洞徹鑊
鄒無人淬兩刃幽壤鐵秦鏡無人拭一片埋霧月驢跼

環堵中骨附筋入節蚪蟠尺澤內魚貫一作衆蛙同穴餘

鯁無巨海浮浮矜濺滴棟梁無廣廈顛倒卧霜雪大鵬
無長空舉翮受羈絏豫樟無厚地危抵真碗脆圭壁無

欽定四庫全書

御定全唐詩
卷三百九十七

八

卞和甘與頑石列舜禹無陶堯名隨腐草滅神功伏神
物神物神乃別神人不世出所以神功絕神物豈徒然

用之乃一作有施設禹功九州理舜德天下悅璧充傳國

璽一作璧用圭用祈太折千尋豫樟幹九萬大鵬歇棟

梁庇生民餘鯁濟來哲蚪騰旱天雨驥騁流電掣鏡懸

姦膽露劒拂妖蛇裂珠玉照乘光冰瑩環坐熱此物比

在泥斯言為誰發於今盡凡耳不為君不一作陳說

說劍

吾友有寶劍密之如密友我實膠漆交中堂共杯酒酒

酣肝膽露恨不眼前剖高唱荆卿歌亂擊相如缶更擊

復更唱更酌一作舞亦更壽白虹坐上飛青蛇匣中吼我

聞音響異疑是干將偶一作闕為君再拜言神物可見不

君言我所重我自為君取迎篋已焚香近鞘先澤手徐

抽寸寸刃漸屈彎彎肘殺殺霜在鋒團團月臨紐逡巡

潛蚪躍鬱律驚左右霆電滿室光蛟龍繞身一作走我

為捧之泣此劍別來久一作何人為鑄鑄時近一作山

欽定四庫全書

御定全唐詩

卷三百九十七

九

破藏在松桂朽幽匣一作獄底埋神人水心守本

是稽泥一作泥稽淬果非雷煥有我欲評劍功願君良聽受

劍可剗犀兕劍可切瓊玖劍決天外雲劍衝日中斗劍

隳妖蛇腹劍拂佞臣首太古初斷鼉武王親擊紂燕丹

卷地圖陳平綰花綬曾被挂樹枝寒光射林藪一作莽曾

經鑄農器利用翦稂莠神物終變化復為龍牝牡晉末

武庫燒脫然排戶牖為欲掃羣胡散作彌天帚自茲失

所往豪英共為詬音今復誰人鑄挺然千載後既非古

風胡一作壺無乃近鴟九自我與君遊平生益自負況擊

寶劍出重以雄心扣此劍何太奇此心何太厚勸君慎

所用一作寶所用無或苟潛將辟魑魅勿但防一作驚妾婦

留斬泓下蛟莫試街中狗君一作古今因泥滓我亦坐塵

垢俗耳驚大言逢人少開口

書異

孟冬初寒月渚澤蒲尚青飄蕭北風起皓雪紛滿庭行

過冬至後凍閉萬物零奔渾馳暴雨驟鼓轟雷霆傳云

欽定四庫全書

御定全唐詩

卷三百九十七

十

不終日通宵曾莫停瘴雲愁拂地急雷疑注餅洶湧演

潦濁噴薄鯨鯢腥跳趨井蛙喜突兀水怪形飛蚺奔不

死修蛇蟄再醒應龍非時出無乃歲不寧吾聞陰陽戶

啓閉各有局後時無肅殺廢職乃玄冥座配五天帝薦

用百品珍權為祝融奪神其焉得靈春秋雷電異則必

書諸經仲冬雷雨苦願省蒙蔽刑

和樂天折劍頭

聞君得折劍一片雄心起詎意鐵蛟龍潛在延津水風

雲會

一作劍

一合呼吸期萬里雷震山嶽碎電斬鯨鮑死

莫但寶劍頭劍頭非此比

御定全唐詩卷三百九十七

欽定四庫全書蒼要卷一萬七千八百三

集部

御定全唐詩卷三百九十八

元稹

松鶴

渚宮本坳下佛廟有臺閣臺下三四松低昂勢前却是
時晴景麗松梢殘雪薄日色相玲瓏纖雲暎羅幕逡巡
九霄外似振風中鐸漸見尺帛光孤飛唳空鶴裴回耀
霜雪顧慕下寥廓踟躕動樛盤枝龍蛇互跳躍俯瞰九江
水旁瞻萬里壑無心眇烏鵲有字悲城郭清角已沉絕
虞韶亦冥寞騫翻勿重留幸及鈞天作

競渡

吾觀競舟子因測大競源天地昔將競蓬勃晝夜昏龍
蛇相噴薄海岱俱崩奔羣動皆攪撓化作流渾渾數極
鬪心息太和蒸混元一氣忽為二轟然畫乾坤日月復
照耀春秋遞寒溫八荒坦以曠萬物羅以一作亦繁聖人
中間立理世了不煩延綿復幾歲逮及義與軒炎皇熾

如炭蚩尤扇其燔有熊競心起驅獸出林樊一戰波委
歟再戰火燎原戰訖天下定號之為軒轅自是豈無競
瑣細不復言其次有龍競競渡龍之門龍門浚如瀉淙
射不可援赤鱗化時至唐突鰭鬣掀乘風瞥然去萬里
黃河翻接瞬電烜出微吟霹靂喧傍瞻曠宇宙俯瞰卑
崑崙庶類咸在下九霄行易捫脩辭蛙黽穴遽一作排
天帝閭迴悲曝鰓者未免鯨鯢吞帝命澤諸夏不棄蟲
與昆隨時布膏露稱物施厚恩草木霑我潤豚魚望我
蕃嚮來同競革豈料由我存壯哉龍競渡一競身獨尊
捨此皆蟻鬪競舟何足論

欽定四庫全書

御定全唐詩
卷三百九十八

二

寺院新竹

寶地琉璃坼紫苞琅玕踴亭亭巧於削一一大如拱冰
碧林外寒峯巒眼前聳槎枒矛戟合屹屹龍蛇動煙泛
翠光流歲餘霜彩重風朝竿籟過雨夜鬼神恐佳色有
鮮妍修莖無擁腫節高迷玉鍊籜綴疑花捧詎必太山
根本自仙壇種誰令植幽壤復此依閒冗居然霄漢姿

坐受藩籬壅噪集勸鳩鳥炎昏繁蟻蟻未遭伶倫聽非
安子猷寵威鳳來有時虛心豈無奉

訓別致用

風行自委順雲合非有期神哉心相見無朕安得離我
有懇憤志三十無人知修身不言命謀道不擇時達則
濟億兆窮亦濟毫釐濟人無大小誓不空濟私研幾未
淳熟與世忽參差意氣一為累猜仍良已隨昨來竄荆
蠻分與平生墮那言返為遇獲見心所奇一見肺肝盡
坦然無滯疑感念交契定淚流如斷縻此交定生死非
為論盛衰此契宗會極非謂同路岐君今虎在柙我亦
鷹就羈馴養保性命安能奮殊姿玉色深不變井水撓
不移相看各年少未敢深自悲

竹部 石首 縣界

竹部竹山近歲伐竹山竹伐竹歲亦深深林隔深谷朝
朝冰雪行夜夜豺狼宿科首霜斷蓬枯形燒去聲餘木一
束十餘莖千錢百餘束得錢盈千百得粟盈斗斛歸來

欽定四庫全書

御定全唐詩
卷三百九十八

三